

GET READY

MEKEM WAN PLAN



Plan ya blong hu?

Olgeta we oli stap long haos ya

Nem: Kontakt:

Nem: Kontakt:

Nem: Kontakt:

Nem: Kontakt:

I gat eni man we i gat spesel nid?

I gat eni man long haos blong yu we bae i nidim help blong ivakiuet, o sapos hemi fas insaed long haos long taem blong wan imejensi? I gat eni man we i yusum ol tul o masin blong wokbaot o medikel masin o narafala spesel ikwipmen? I gat eni man we i nidim meresin we dokta i mas raetem rikwes blong hem? Oli gat inaf blong tri dei o narafala rod blong yusum sapos paoa i of?

I gat eni bebi o smol pikinini?

Yu gat daeapa o napkin, melek mo nara samting we yu nidim we oli inaf blong 3 dei sapos ol stoa mo ol rod oli klos? Yu rere long ol ting finis long wan spesel bag blong holem kwiktaem sapos yu mas aot hariap long haos?

Eni anamol we yu fidim?

Yu yu risponsibel long ol anamol blong yu. Meksua yu tingbaot olgeta taem we yu mekem plan blong imejensi. Yu gat inaf kakae mo wota blong olgeta blong 3 dei o moa? Yu gat ol kej o spesel bokis blong transpotem olgeta mo meksua se oli sef? I gat wan man we i save pikimap ol anamol blong yu mo lukaotem olgeta sapos yu no save kasem haos?

Eni narafala man we i save nidim help?

I gat eni fren, famli o neba we maet oli nidim help blong dil wetem wan imejensi long hom o blong ivakiuet?

Nem: Kontakt:

Nem: Kontakt:

Nem: Kontakt:



Sapos mifala i no save kamaot long haos

Mifala i gat ol imejensi saplae?

Inaf kakae mo dring blong tri dei o moa (blong evriwan long haos, inkludum bebi mo anamol)? Ol tojlaet, radio, mo batri blong tugeta? Ol tul blong fes eid/ol meresin? Yu no nid blong putum evriwan wanples long wan bigfala bokis, be tingbaot se maet yu nid blong faenem long tudak.

Raetem evri infomesen long saed long ples we yu kipim ol imejensi saplae

Yumi save hao blong ofem wota, paoa mo gas?

Yu ofem nomo sapos yu tingse paep blong wota o gas o rop blong paoa i damej o sapos ol otoriti oli talem se yu mas ofem. Sapos yu ofem gas, bae yu nidim wan spesel wokman blong gas blong onem bagegen.

Infomesen long saed long fasin blong ofem wota, paoa mo gas

Sapos yumi no gat paoa

Wanem nao bae yu nid blong mekem sapos i no gat paoa? Hao nao bae yu kuk, kip wom, mo lukluk long naet (no yusum kandel from oli denja long saed long faea). Yu gat inaf spea kasmane sapos ol ATM oli no wok? Yu gat inaf fuel sapos ol pamp blong benzin oli no wok?

Raetem wanem nao olgeta long haos oli nid blong mekem

Sapos yumi no gat wota

Wanem nao bae yu nid blong mekem sapos i no gat wota? Yu rere finis long inaf wota blong dring (tri lita blong wan man long wan dei, blong tri dei o moa)? Yu gat wota blong ol anamol blong yu? Bae yu yusum wanem blong kuk mo klinap? Bae yu yusum wanem olsem toelet?

Raetem wanem nao olgeta long haos oli nid blong mekem

Sapos yumi mas lego haos hariap

Yumi gat ol spesel bag* blong holem kwiktaem?

Yumi gat ol spesel bag* blong holem kwiktaem sapos yumi nid blong ivakiuet? Insaed long haos, long ples blong wok, long trak? *Wan smol bag, insaed long hem i gat ol wom klos, wan tojlaet, radio, tul blong fes eid, smolsmol kakae mo wota.

Raetem evri infomesen long saed long ples we yu kipim ol spesel bag ya

GET READY

MEKEM WAN PLAN



Bae yumi go wea?

Sapos yufala i mas ivakiuet, bae yufala i go wea? Hao nao bae yufala i kasem ples ya? Sapos yufala i stap klosap long solwota, meksua se ples ya hemi aotsaed long ol ivakiuesen eria blong tsunami. Sapos yufala i no save go bak long haos, bae yufala i stap wea?

Raetem evri infomesen long saed long ples we bae yufala i go long hem mo hao nao bae yufala i kasem ples ya